

**UGOVOR**  
**Broj: 0602-103-16/20**  
**o nabavci usluga kolektivnog kombinovanog**  
**osiguranja zaposlenika**

**UGOVORNE STRANE**

**UGOVORNI ORGAN:** **KJKP „POKOP“ d.o.o. Sarajevo**, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)  
ID broj: 4200119040004; porezni broj PDV: 200119040004;

**DOBAVLJAČ:** **“Sarajevo osiguranje” d.d. Sarajevo**, Maršala Tita 29, kojeg zastupa direktor Arif Kulić (u daljem tekstu: Dobavljač)  
ID broj: 4200326930001; porezni broj PDV: 200326930001.

**UVODNE ODREDBE**

**Član 1.**

Ugovorne strane sklapaju ovaj Ugovor na osnovu provedenog postupka javne nabavke – Konkurentski zahtjev za dostavljanje ponuda, Nabavka usluga kolektivno kombinovano osiguranje zaposlenika, objavljen na Portalu javnih nabavki BiH broj Obavještenja 775-7-2-4-3-4/20 od 09.01.2020. godine, Zapisnika o pregledu i ocjeni ponuda broj 0602-103-13/20 od 24.01.2020. godine, prihvaćene ponude Dobavljača broj 0602-103-9/20 od 23.01.2020. godine i Odluke o odabiru najpovoljnijeg Dobavljača broj 0602-103-14/20 od 29.01.2020. godine.

**PREDMET UGOVORA**

**Član 2.**

Predmet ovog Ugovora je nabavka usluga kolektivnog kombinovanog osiguranja zaposlenika, prema prihvaćenoj ponudi sa specifikacijom usluga, koja čini sastavni dio ovog Ugovora.

**Član 3.**

Osiguranje obuhvata nezgodu na poslu i van posla, punih 24 (dvadesetčetiri) sata dnevno i 7 (sedam) dana sedmično bez teritorijalnog ograničenja.

**Član 4.**

Osiguranje važi od 00:00 sati dana koji je označen kao početak osiguranja, a prestaje u 24:00 sata dana koji je u polici naveden kao dan isteka osiguranja.

**UGOVORENA CIJENA**

**Član 5.**

Ukupna cijena za period za koji se zaključuje ugovor sa popustom Iznosi 16.738,00 KM (slovima šesnaesthiljadasedamstotinatridesetosami00/100KM)

Cijena iz ovog Ugovora, a sve prema gore navedenoj Ponudi se u periodu važenja Ugovora ne mogu mjenjati.

**Član 6.**

Osiguravač se obavezuje na isplatu osigurane sume zaposleniku Osiguranika, od nesretnog slučaja – kolektivno kombinovano osiguranje zaposlenika, pri vršenju i van vršenja djelatnosti (puna 24 sata bez obzira na mjesto gdje se zaposlenik nalazi) i to za slučaj:

- trajni (100%) invaliditet: 160.000,00 KM;
- smrt usljed nezgode: 80.000,00 KM;
- smrt usljed bolesti: 10.000,00 KM;
- troškovi liječenja (za slučaj povrede): 2.000,00 KM;
- dnevna naknada odnosi se na dane bolničkog liječenja (za slučaj povrede): 20,00 KM.

## Član 7.

Osiguranik se obavezuje na plaćanje premije osiguranja u mjesečnom iznosu od 6,64207 (šestmarakai64207/100KM) za svakog zaposlenika sa kojim ima zaključen ugovor o radu na određeno ili neodređeno vrijeme.

## PLAĆANJE

### Član 8.

Ugovorni organ će plaćanje cijene iz člana 5.ovog Ugovora, izabranom Dobavljaču plaćati u 12 (dvanaest) mjesečnih rata u roku do 60 (šesdeset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

## UGOVORNA KAZNA

### Član 9.

U slučaju kašnjenja u izvršenju usluga do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% promil naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluge koja je predmet nabavke.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

## OSNOVNE OBAVEZE DOBAVLJAČA

### Član 10.

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

Dobavljač se obavezuje da će u skladu sa odredbama Uslova za osiguranje isplatiti naknadu iz osiguranja, u visini:

- osigurane sume za slučaj smrti usljed nezgode, ukoliko je usljed nezgode nastupila smrt osiguranika;
- osigurane sume ukoliko je usljed bolesti nastupila smrt osiguranika;
- osigurane sume za slučaj invaliditeta ukoliko je usljed nezgode nastupio potpuni (100%) invaliditet osiguranika;
- postotak osigurane sume za slučaj invaliditeta koji odgovara postotku djelimičnog invaliditeta (Tabela za određivanje postotka trajnog gubitka opšte radne sposobnosti - invaliditeta);

U slučaju da se desi osigurani slučaj trajne invalidnosti ispod 100%, obračun naknada štete će se vršiti na sljedeći način:

- Osigurana suma za 100% invalidnost se množi sa procijenjenim procentom invalidnosti, dakle bez primjene korektivnih faktora;
- dnevne naknade za boravak u bolnici, ukoliko je usljed nesretnog slučaja nastupila privremena spriječenost za rad osiguranika;
- naknade troškova liječenja maksimalno do ugovorenog iznosa, ukoliko je usljed nesretnog slučaja (nezgode) bila neophodna ljekarska pomoć i ako je usljed toga imao troškove liječenja;
- Dobavljač neće primjenjivati klauzulu o karenci u prvih 6 (šest) mjeseci trajanja osiguranja;
- Rok isplate osigurane sume ne može biti duži od 60 (šesdeset) dana od dana prijave osiguranog slučaja sa kompletnom dokumentacijom, u skladu sa Zakonom i Uslovima za osiguranje lica.

## OSNOVNE OBAVEZE UGOVORNOG ORGANA

### Član 11.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 6. ovog Ugovora).

Usluge osiguranja se odnose na 210 zaposlenih u KJKP „POKOP“ d.o.o. Sarajevo, primanjem u radni odnos novoupisanih sve promjene broja i imena osiguranika biti će prijavljene osiguravajućoj kući u roku od 10 (deset) dana od dana prijama u radni odnos po bilo kojem osnovu – osiguranje pokriva period od dana prijama u radni odnos, a ne od dana dostavljanja promjena.

Ugovorni organ se obavezuje da će na kraju svakog mjeseca, dostaviti broj zaposlenih koji će biti osnov za fakturisanje premije za naredni mjesec.

## RASKID UGOVORA

### Član 12.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

## RJEŠAVANJE SPOROVA

### Član 13.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

## ZAVRŠNE ODREDBE

### Član 14.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

### Član 15.

Ovaj Ugovor se počinje primjenjivati dan nakon isteka ugovora sa prethodnim dobavljačem, odnosno od 23.03.2020. godine u trajanju od 12 (dvanaest) mjeseci.

### Član 16.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

#### UGOVORNI ORGAN

KJKP „POKOP“ d.o.o. Sarajevo

Izv. direktor, Asmir Hodžić

Broj: 0602-103-16/20  
Sarajevo, 10.02.2020. god.



direktor, Goran Cerić

#### DOBAVLJAČ

„Sarajevo osiguranje“ d.d. Sarajevo

direktor, Arif Kulić

Broj: 01-997/20  
Sarajevo, 13.02. god.

